



Broj: UP-I-KSI-09-32/23
Datum: 23.08.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane B. M., iz Brčkog, ulica [REDACTED], zamjenik predsjednika Komisije za hartije od vrijednosti Brčko distrikta BiH, nosioca javne funkcije, na 63. sjednici održanoj dana 23.08.2023. godine, donosi

RJEŠENJE

- I. **UTVRĐUJE SE** da je B. M., ulica [REDACTED], Brčko, zamjenik predsjednika Komisije za hartije od vrijednosti Brčko distrikta BiH, kao nosilac javne funkcije postupio protivno članu 19. stav (1) i (2) i člana 20. Zakona o sprečavanju sukoba interesa u institucijama Brčko distrikta Bosne i Hercegovine, na način da na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, nije prijavio pokretnu imovinu u izvještaju od imovinskom stanju, podnesenom dana 11.01.2022. godine Komisiji za odlučivanje o sukobu interesa.
- II. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, B. M. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine izriče opomena.

Образложење

Komisija za odlučivanje o sukobu interesa je po službenoj dužnosti Zaključkom broj: UP-I-KSI-09-32/23 od 20.07.2023. godine, pokrenula postupak za odlučivanje o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine protiv nosioca javne funkcije B. M., zamjenika predsjednika Komisije za hartije od vrijednosti Brčko distrikta BiH, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, zbog neusklađenosti između prijavljene imovine u Izvještaju o imovinskom stanju, podnesenom dana

11.01.2022. godine od strane nosioca javne funkcije Komisiji i podataka prikupljenih od nadležnih organa i institucija o pokretnim stvarima vrijednosti veće od 5.000,00 KM, jer nosilac javne funkcije nije prijavio odnosno unio u Izvještaj o imovinskom stanju pokretnu stvar vrijednosti veće od 5.000,00 KM, tačnije:

- M1-PUTNIČKI AUTOMOBIL, Marka: MERCEDES-BENZ, tip: 245 G, registarskih oznaka: [REDACTED], godina proizvodnje 2014., vlasništvo M. M., sin nosioca javne funkcije, čime je postupio protivno članu: 19. stav (1) i (2) i članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja Zaključka.

Uvidom u dostavljene podatke od strane Odjeljenja za javni registar broj: [REDACTED] [REDACTED] godine, utvrđeno je da M. M., sin nosioca javne funkcije, ima registrovano vozilo na sebi, M1-PUTNIČKI AUTOMOBIL, Marka: MERCEDES-BENZ, tip: 245 G, registarskih oznaka: [REDACTED], godina proizvodnje 2014.

B. M. je Odlukom broj [REDACTED] godine, imenovan za zamjenika predsjednika Komisije za hartije od vrijednosti Brčko distrikta Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Uvidom u Izvod iz matične knjige rođenih broj: [REDACTED] godine, utvrđeno je da je M. M., sin B. M.. U Izvještaju o imovinskom stanju-Aneks II, B. M. je u rubriku „Podaci o djeci“ upisao M. M., te je zbog svega navedenog obaveza nosioca javne funkcije unijeti podatke o imovini svog sina u Izvještaj o imovinskom stanju.

Članom 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj o imovinskom stanju, za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana, između ostalog propisano da Izvještaj sadrži lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja, dok je tačkom b) istog člana propisano i da sadrži podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu.

Primjenom navedenih zakonskih odredaba na utvrđeno činjenično stanje, utvrđeno da u konkretnom slučaju postoji povreda Zakona o sprečavanju sukoba interesa u institucijama Brčko distrikta Bosne i Hercegovine, obzirom na to da B. M. nije izvršio dopunu Izvještaja o imovinskom stanju u roku od 30 dana od dana nastanka promjene, odnosno nije prijavio pokretnu stvar vrijednosti veće od 5.000,00 KM, te je postupio protivno gore navedenom članu Zakona o sprečavanju sukoba interesa u institucijama Brčko distrikta Bosne i Hercegovine.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju, a pri tome vodeći računa o težini i posljedicama povrede Zakona, te njegovom postupanju i odgovornosti, ličnosti nosioca javne funkcije, odnosu imenovanog prema kršenju odredaba Zakona kao i opredijeljenosti imenovanog da postupi u skladu sa Zakonom, te otkloni razloge koji su doveli do kršenja odredaba Zakona kao i prouzrokovanoj posljedici, radi o očito lakšem obliku kršenja odredaba Zakona, koje nisu nanijele štetu integritetu javne funkcije koju B. M. obavlja, Komisija je stava da izrečena opomena u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali stranka može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostavljeno:

1. [REDACTED],
2. Internet stranici Komisije,
3. Evidenciji i
4. Arhivi.